



博物策會敘



漢寧縣志

予嘗歷觀舊史詳求往昔蘊博者之學

無決斷之才存尚友之心無趨向之路

往往志多不就夫自古豪傑之士挺生

斯世莫不欲秉道持身經世軌物進良

退姦以成名于一時垂芳于不朽顧才

有優劣勢有難易時有利鈍而天運之

循環亦盛衰不齊故事業成就亦因之

孔明所謂鞠躬盡瘁死而後已至於
敗利鈍非臣之明所能逆覩正以此也
百世之下當察其志節考其作爲酌其
時勢而成敗不與焉此權衡人物之術
也屏石先生蚤負奇氣超然遠攬于千
百世之上下嘆載籍之浩繁世代之懸
邈山川之悠隔而人物雜出于其間豈
後學所能遽探其詳哉乃採之諸史以

索其跡參之列傳以察其微博之諸儒
以盡其辨本之聖經以定其極而又區
揭省府冠以河嶽發其靈秀而人物繫
之題曰博物策會因域以攷世緣世以
攷才不勞咨索而古今人代一覽無餘
矣闡褒貶之公而有據定記述之例而
有宗取舍趨向卓有定守此其事業所
就顧不偉哉顧不懋哉是年先生卒

命西巡而予亦以按茶馬會于關中示
是錄予覽而作曰御史以觀風爲職設
教之義存焉舍是書其何以乎先生猶
且謙謙未遑予遂託方伯諸公捐俸銀
木將遍發郡邑俾士民讀而勸焉旣成
予復以是發其素

嘉靖十七年戊戌孟夏望日

欽差巡按陝西監察御史洪洞對霍山人

李復初書

博物策會序

屏石侍御撰博物策會十七卷一百三十六篇凡海內人物騰聲颺采于今昔者靡有遺矣區土表靈挈履比類蓋有傳記之所不能逮者豈直爲策會哉以示對霍侍御關中諸生聞之請于對霍侍御求得其稿繕寫思傳焉對霍侍御曰海內後學孰不欲景行其先哲顧典

冊弗具稽索無繇爾見媿弗傳非吾志也於是屬西安府同知高君鳳鳴刊之自春徂夏工用告成高君走使以予序諸篇首予聞屏石稽古之學久矣丁酉冬莫行部過邠斯須之際宏才直氣領畧過半古人謂文章以氣爲主沛然之言固浩然之氣所發也無是物者能是事乎吾未之前聞也夫載紀之書博則詳約則畧畧詳常患乎其泛而畧常患乎其遺况此事屬辭數言之下品藻曲盡搜據不遺乎予于屏石侍御滋有感焉對霍侍御嘉惠後學之心與高君樂事趨工之美皆不可沒因並著于篇時嘉靖歲次戊戌夏四月丁卯濟西山人康海德涵序

屏石子博物策會序

自有融結得其秀爽清淑之氣毓合而
爲人者則能以道德功業文章自爲著
立然三者或有能兼焉者或不能以兼
焉者惟其時耳其才其學焉耳才惟其
稟學惟其致時惟其遇君子以博物爲
功則於往行貴於多識是故古今異其
世不以有遺也遠近異其域不以有分

也顯晦異其遇不以有輕重也本末殊
其造不以有淆也德藝之偏全並考人
品之小大並錄功業之巨細胥載孔子
曰三人行必有我師誠以取善不可不
廣而尚友乃所自期俾天下之善足歸
吾虛受之蓄古今之迹有納吾用感之
源斯其果無曠於三才之通之名而有
得於三人行之旨乎昔者踐猷博學喻

神物之萃叢予博物馳譽安國博雅序
經而一物不知至聖猶耻夫天冠地履
古今無二知不足以藏往則事不能以
通變才不能以克周矣古今人物能以
稽識使心知益以開諭臨事顧不有擬
從耶若是者於余所見屏石戴子謂能
以擅焉所著博物策會十七卷地以域
分人因域紀事因人彰古今幅員山川

鍾胤有所著立凡列重於人之品流者
於是盡矣躡景行企登岸意不旣深乎
嗟夫兩儀之所以建立治亂之所以相
尋孰非古今人物之致知其入與事則
措用於平治者不能外矣屏石子旣會
著于策又歷取史鑑著爲品藻則是二
書實爲表裏爲志豈小哉品藻聞刊閩
肆策會人未有傳屏石子衣繡按秦值

監試舉士弗敢以請明年對霍李子以
茶政衣繡按秦秦士請媒於李李曰爲
國成才興學効教載之憲典戴與吾同
也使士學博聞約取思齊內省不獨舉
業有範不亦可乎乃告藩省移西安持
篆整梓就工躬勸屏石出稿西安師生
繼之臺謁屏石子授之李子有命予言
弁首遂不得辭戴子名璟字孟光浙奉

化人屏石者號巡秦風采卓然百爾察
修可追古真御史風有獲以用於此信
徵對霍子名復初晉洪洞人風采修振
貞度繼往譽同戴焉歲戊戌孟夏朔旦
河濱逸史段炅序

新編博物策會凡例

一三代以上人才盛於西北兩漢以下人才盛於東
南士子讀書所貴尚友古人景行先哲乃若生於
其鄉而不知其姓名者有之其何以爲儒生哉緣
此遂欲起意成書一以寓尚友之志一以爲稽古
之助云

一此書專主於彰善故每郡之內凡大奸大惡不齒
矣間有片善寸長亦收而錄之嘗著諸史品藻三
十卷亦已脫藁則所以攻其慝而繩其愆云

一此書頗學十科策體式取寰宇記輿地記方輿勝
覽及唐宋諸子集各郡邑碑記作爲破承式樣非
敢杜撰其講中所屬籍貫世系及國初人物悉

一統志言行事實博采之傳以來諸史百家之
其有一人而兩三郡載者亦依各郡志而兼收之
以俟明者之訂正云

一策題止書某府某州人物則凡所轄州縣皆彙括
而會于中矣其州縣悉依本

朝所定疆理之制而附見之所可愧者不出戶而談天
下事恐涉虛漫故遣辭太質俚而少文華云

一廣西雲貴其人才絕無之地則諱其郡其人才迭
見之邦則詳其事數觀天下凡自堯舜至今三千
餘年人物逐一搜括如貫珠然其祖父兄弟子孫
先後炳煥多至二十人以上者弗敢掛漏悉采錄
之以昭其盛云

一杜欽之類載於一統志而此書外之者惡其爲法
心腹之疾耳他若馮道之類宜深誅之而不瑕點
之然未嘗不嚴抑揚之法云

正德十六年正月吉日寧郡末學屏石戴璟書

新編博物策會凡例終

新編博物策會目錄

卷之一

北直隸人物

順天府

保定府

河間府

卷之二

真定府

順德府

廣平府

大名府

永平府

隆慶州

保安州

萬全都指揮使司

卷之三

南直隸人物

應天府

鳳陽府

蘇州府

松江府

常州府

鎮江府

揚州府

卷之四

淮安府

廬州府

安慶府

太平府

寧國府

池州府

徽州府

廣德州

和州

滁州

徐州

卷之五

山西布政司人物

太原府

平陽府

大同府

汾州

遼州

沁州

潞州

澤州

卷之六

山東布政司人物

濟南府

兗州府

東昌府

青州府

登州府

萊州府

遼東都指揮使司

卷之七

河南布政司人物

開封府

卷之八

彰德府

衛輝府

懷慶府

河南府

南陽府

汝寧府

卷之九

陝西布政司人物

西安府

鳳翔府

漢中府

平涼府

鞏昌府

臨洮府

慶陽府

延安府

寧夏衛

洮州衛

岷州衛

河州衛

靖虜衛

文縣千戶所

陝西行都司

卷之十

浙江布政司人物

杭州府

嘉興府

湖州府

嚴州府

金華府

卷之十一

衢州府

處州府

紹興府

寧波府

台州府

温州府

卷之十二

江西布政司人物

南昌府

饒州府

廣信府

南康府

九江府

建昌府

撫州府

臨江府

吉安府

瑞州府

袁州府

贛州府

南安府

卷之十三

湖廣布政司人物

武昌府

漢陽府

襄陽府

德安府

黃州府

荊州府

岳州府

長沙府

寶慶府

衡州府
未州府
靖州

常德府
沔陽州
郴州

辰州府
安陸州

卷之十四

四川布政司人物

成都府

保寧府

順慶府

敘州府

重慶府

夔州府

潼川州

眉州

嘉定州

瀘州

雅州

播州宣慰司

卷之十五

福建布政司人物

福州府

泉州府

建寧府

延平府

汀州府

興化府

邵武府

漳州府

卷之十六

廣東布政司人物

廣州府

韶州府

南雄府

惠州府

潮州府

肇慶府

高州府

廉州府

雷州府

瓊州府

卷之十七

廣西布政司人物

桂林府

柳州府

平樂府

梧州府

潯州府

南寧府

雲南布政司人物

雲南府

大理府

臨安府

澂江府

蒙化府

曲靖軍民府

麗江軍民府

北勝州

金齒蠻夷指揮司

貴州布政司人物

貴州宣尉司

思南府

普安州

新添衛

新編博物策會目錄終

新編博物策會卷之一

北直隸上



順天府人物

屏石戴璟著

范鎮之賦幽州也曰繩直砥平形勝爽塏木華黎之傳

幽燕也曰虎踞龍蟠形勢雄偉以今考之是邦之地左

環滄海右擁太行北枕居庸南襟河濟形勝甲於天下

誠天府之國也究其沿革唐虞皆為幽都夏殷皆入冀

地周則封堯後於薊封召公於燕正此地也厥後漢曰

廣陽晉曰范陽宋曰燕山元曰大興我

朝初謂之北平而為燕府龍潛之地尋建為北京而謂

之順天馬生是地者沉鷲材藝感慨悲歌自古號多豪

傑正如伯樂之門織離騷駉雲錦成群豈非郁郁其文
之地哉請具陳之周有左伯挑羊角哀一有併糧之忠
一有死樹之義秦有衛滿蔡澤一有破朝鮮之功一有
質燕丹之績以漢言之蒯徹以口辯降燕趙而有雋求
之說徐樂以口辯拜郎中而上觀原之䟽韓嬰推詩意
作內外傳人不能難至於孫商爲博士亦襲其美焉韓
延壽治東郡好古教化爲天下最自其父義爲諫官已
成其仁焉周堪論經石渠雖爲石顯所譖而直聲播於
廷盧植受經馬融雖爲董卓所貶而儒風振於時寇恂
拒王郎蓋延平河北王梁擊赤眉皆具將帥之畧而恂
之擬迹蕭何尤足爲雲臺諸將之表也陽球誅王甫田
疇避董卓張飛事昭烈皆負經濟之才而飛之齊聲關

羽尤足爲巴蜀諸將之先也以三國言之田豫守南陽
盧毓守廣平皆有才行可嘉而毓之謚爲成又其典選
之有方也徐邈刺涼州孫禮刺五州皆有恩信可紀而
邈之謚爲穆又其肅僚之有道也至於勸成都之取而
事幾不失說劉璋之歸而勲烈有就又非簡雍其人乎
晉之時霍原慕道清虛而貴游子弟求爲之見焉劉沉
敦儒愛賢而里中賢俊力爲之引焉張華著博物志而
江南之伐有贊襄之功盧欽著祭統而沔北之鎮有清
白之操至於陽鷺爲別駕獻強國之策何智也爲大尉
唯敝車之乘何清也南北朝之時盧玄蒙天下儒雋之
召盧昶著撫綏徐州之功至於盧潛大樹風績陳主戒
之曰盧潛猶在卿等宜備其爲敵國所畏憚如此也祖

鴻勳有在官清素之風張弘策有不食鹽菜之孝至於陽尼自舉其子魏主稱之曰今有二奚當聞來牒其爲君上所倚任如此也成景雋殺邕和篤於復父之仇忠烈之謚宜矣張曜拒文宣明於正君之心貞簡之謚宜矣酈道元爲中尉執法清刻所傳水經四十卷非歷覽群書而能然耶盧思道守武陽執操清篤所號盧郎八采非以善作輓歌而若是耶當高允馳名之日而高閭爲之整飭文典凡詔令頌贊皆出其手值關右草創之日而周惠達爲之損益舊章凡禮樂儀軌皆經其筆平鑿祝井泉精誠感乎蒼冥鮮于世榮碎瑪瑙清名播於鄰城平恒勤誦讀而撰略注等篇有不改屢空之樂盧辯通經籍而制刻渾等儀有庶纂前脩之譽隋之時慕

容三臧推廓州之仁而襁負之民遂以歸附榮毗正華州之法而權倖之門無所寬貸盧昌衡爲總管而蘇威稽其績有德行可表之句慕容遐爲澶水丞而漢王之叛有抗節不從之忠祖君彥雖仕李密而織屨之文見於書檄盧楚雖死王世克而鯁直之性形於廊廟唐之時魯炆節度襄鄧有保障南夏郡之勲盧藏用隱身終南有諫作興泰宮之疏盧承慶盧景亮皆博學能文者也而承慶之弟曰承業曰承恭皆顯於貞觀之時景亮則馳右補闕之聲焉高崇文高霞寓皆累世同居者也而崇文之子曰石曰承簡皆用於元和之後霞寓則有擒劉闢之功焉盧照鄰善辭賦有四傑之號而千古誦其文盧鴻隱嵩山有二盧之名而萬乘高其風張知謩

五人登第而有聲於牝雞司晨之時李全忠三世受封而有驗於茅蘆生室之兆劉忬張允伸皆有所爲而使國用之克斥李寶臣張仲武皆有所處而使藩鎮之帖安蔡廷玉使朱泚械係之遭屹然肝膽之壯也李景略勸李懷光痛哭之舉凜然辭氣之嚴也盧粲諫造崇訓之陵所以正三綱之分盧群請赦郭子儀之訟所以重八議之條賈島事浮屠教厥後詩文之奇得於推敲二字之淬鍊劉蕡對賢良策極言閹宦之橫出於春秋一經之考證至於從李光弼之出征而授靜戎之爵寢麾下之謀叛而遷防禦之階此非陳利貞乎五代之時趙玉存呂氏之孤見稱燕趙李承約勸毛璋之進遂擢黔南王思聞執從珂之使盧道阻馮道之牋同氣節也

扈蒙著鰲山之集扈載作運源之賦真兄弟也張希崇官靈武招集夷落竇禹鈞建書院廣延名儒劇可父剛定刑統而用法平允張藏英擊定契丹而鎮邊安靖劉審交諫檢民田民由之而聊生李瓊防禦安州民由之而稱頌趙遠以才聞而有子曦舉進士馬邊歸諫以儒名而有子定舉進士馬逮至于宋張暉從征澤潞有陷陣先登之勇田重進爲節度有遺酒固卻之忠趙普任大事而居相用論語卒專鼎鑄之耳其補牘復奏削藩鎮之權功之大者也呂端識大體而大事不糊塗卒維梓人之陞其捲簾升視定真宗之位功之懋者也全師雄之亂高彥暉死之爲先鋒盡其忠矣太原之戰李懷忠從之贈侍中顯其勇矣劉載嘗著五論知襄州之日

其政可觀石延年請備二邊後元昊之反其言果驗竇儀風采峻整嘗儼性質夷曠兄弟分居兩制而皆有輔相之勲馬全義拔鏃臨敵馬知節正色斥姦父子迭掌兵柄而皆有忠直之操宋琪折求請之人而有惠安之謚劉審瓊著便民之政而有河陽之徙董遵誨守通遠番漢悅附盤龍衣之賜非以彰其功耶張鑑知廣州士民悅服請立石之奏非以感其德耶呂餘慶以簡易是尚大政之參綽然有聲趙贊以禮度自持延州之鎮赫然有譽宋雄負氣節與宋琪同名而有二宋之號許驤善辭賦與呂蒙正齊名而有長者之稱張佶爲鈐轄知兵略有功於乃父昉矣楊崇勳爲群牧知兵法有光於乃父全美矣當易學晦冥之日邵雍尚友古人洞見乎

陰陽奧妙之理一部經世規知月窟真振古之豪傑也乘元兵擾亂之時張世傑親奉太后崎嶇於風波洶湧之中一念精誠仰射星芒真亡宋之忠賢也若夫仕于遼者若耶律儼之廉介韓延徽之英邁韓知古酌國俗而定禮文室昉革蠹弊而脩法度張儉楊佶皆居進士第一而著登瀛集者信也楊皙楊績皆爲南院樞使而通五經者皙也長於詩賦者有若馬得臣王鼎善於夫事者有若劉伸楊遵勗韓德讓以智略而賜耶律之姓牛溫舒以剛正而盡行人之職至於相南府謚文憲者又趙徽也以金言之若韓企先之薦賢程宗之選士韓昉舉進士第一人而長於詔冊閻公貞居大理幾十年而工於律令作元勲傳者韓玉著蒙城集者高士談梁

斗南割繁劇才足以有斷也高昌福釋疑獄明足以有照也劉仲誨為中丞世宗曰朕見仲誨常若切諫者巨構為節度世宗曰構外質內明鮮有及之者丁暉仁立學校而武清之小子有造杜時昇明天文而伊洛之絕學有傳王蔚馬惠迪一為令一為丞皆居第一之考李霆李雲一為兄一為弟皆著巡邏之功王翕尚剛毅而蒙極有風力之褒王師揚好默坐而來閉戶先生之號賈少冲張天綱皆使宋不屈者也傅霖馬肩龍王毅皆赴死不避者也封崇國公者孫即康也著拙軒集者王寂也逮至于元封清河郡侯者有若張子良謚述獻先生者有若梁陟石天麟使海都而被拘不辱卒有忠宣之謚梁曾使安南而還遺不受卒有集賢之擢王伯勝

作興學校逮守遼陽士民為之渡道李德輝招降強敵及平廣西蠻人為之立廟史天倪史天祥史天澤兄弟也開國之初僉效厥勞而天澤之出入將相或有曹郭之比亦無愧矣張仁義張禧張弘綱父子也用兵之時咸著厥績而弘綱之攻畧城池卒有武宣之謚亦無忝矣宋本舉狀元指言時政之失所著有至治集矣若夫與本齊名而有燕石集者非其弟宋褰耶李士瞻使閩州招致海酋之降所著有經濟集矣若夫教授河朔而有一山集者非其子守成耶王利用陳十事庶希憲稱之曰文學政事兼備利用其人也鮮于樞著困學文虞集稱之曰漁陽翰墨擅名于樞其人也梁德珪論延蔓之致訟可謂善規諷也郝彬著轉輸之定制可謂善通

融也張世澤征襄樊大小十餘戰而不挫其勇張九思
薦名儒遠近十餘人而不沒其善朱國寶宣尉海南立
官程更弊法訓兵息民爲時良帥劉德溫總管永平增
戶口實倉廩興學育才爲時良吏張榮實平李壇而萬
戶之爵爲之克稱吳鼎諫太后而五嶺之徑爲之弗開
會德尋後母而竭其心廣海之遇天假其會也宋杞居
父喪而戕其性遺腹之生天感其孝也盧摯能詩與劉
因之列所著有疎齋集焉李衍能畫立道人之號所著
有竹譜文焉謚忠肅者王倚也初待皇太子時政民瘼
無不陳說謚文清者趙師魯也初補中書省法度典章
罔不練習爲詩尚騷雅爲文法西漢非曹鑑乎當時學
者爭相傳誦心事巢山上文章陶阮間非何失乎當時

名公文相薦引逮至我

朝董倫以端厚之度終侍于上而有翰林學士之命龍
遇優渥劉英以廉能之政見留於人而有政績起群之
語曉示中外教官之賢者則有郭習中張克誠于時譽
益翁然有所進益而擢之膺仕縣丞之賢者則有劉中
敷柰亨于時城邑突然有所保釐而躋之方面畢汝舟
紀諱傳吉甄庸皆居御史卓有風裁者也李慶毛勝薛
斌薛綬皆封侯伯戰有勳烈者也薛貴封安順侯而謚
忠壯楊善封興濟伯而謚忠敏王得中劉士原皆參藩
政而有能勤之譽盧祥張敏皆亞部政而有勤慎之名
李季鼎博學強記當時號爲書庫李敷撫善鋤強蜀人
稱爲鐵面天順以後人才如疊嶂重巒前後聳拔吾未

暇枚舉也

保定府人物

尾箕之星燕昂畢此是郡之分野也上谷之郡兼鉅鹿
此是郡之疆域也以其沿革考之漢爲信都中山涿郡
之地晉屬范陽安平高陽之國後魏爲樂浪等郡唐爲
莫定等州而保定之名始于元也其形勝則控鴈門之
右塞引鷄距之清流倚大行之宕觀接易水之長洲生
是地者事詩書之業尚氣節之風唱於前者旣磊磊而
不羈和於後者又嶺嶺而不窮今考史冊之言聞故老
之口豈不足使人擊節歎賞哉請具陳之戰國之時郭
隗以千金之馬設喻而王有樂毅之用忽而成功其
亦忠矣田光以千里之馬設喻而太子丹有荆軻之用

出而自刎其亦烈矣漢之時趙廣漢治京兆威震豪強
而小民爲之得職劉祐守河東威震權倖而中官爲之
不橫王尊以威信行州郡東平之倔強亦爲之服從王
商以財物分兄弟單于之暴戾亦爲之畏懼晉有祖逖
渡江擊楫懷澄清之志宋有祖冲之明曆造車入神奧
之理魏則祖瑩與袁翻齊名而有京師楚楚洛中翩翩
之號許彥與陳竒善易而有留置左右召補秘書之榮
仕東魏者許惇旣號鐵主簿又號長髯公而敏速之才
重於時如此也仕北齊者孟業旣補郎中令又補東郡
守而寬厚之度信于上如此也隋之時許善心博文學
而述志之編何其富許智藏工醫法而秦王之視何其
神唐之時張行成有兼行將相之奏而謚曰定齊映有

博學宏辭之中而謚曰忠齊澣受姚崇之薦而劾奏常
先風教豈負所舉哉張興被史思明之執而穢罵一出
忠誠豈憚厥死哉至於阻延齡之相欲裂白麻爲何蕃
之留有光青史陽城之司諫也逮至于宋孫行友聚衆
郎山敗契丹矣而其姪全照亦擊賊有功焉劉文質累
官都監著軍功矣而其子渙亦遇事敢爲焉郭進使西
山御下嚴毅程羽知開封蒞政寬洪盧之翰博學有謀
而决河以固城導河以合淮焉趙振剛正自負而子瑜
亦善射第璞亦知名焉張玉善用鐵簡仁宗稱之曰真
勇之士也董元亨不與羣鑰仁宗稱之曰守法之臣也
齊恢本映之後裔通判涼州臨政簡約而不擾程琳本
羽之從孫居職三司出納公允而不刻遼則有王崇善
屬文鄉貢禮部廷對皆爲第一比其爲相也又有練達
之風金則有劉炳每讀書遇古忠臣烈士皆爲景慕比
其擢第也又有十事之陳至於張通古辯海陵之譖以
正直而不久於位王擴陳守禦之策以梗直而不容於
朝魏道明號雷溪子與楊果皆工於詞章高有鄰爲戶
部郎與劉秉德皆堅於志操元之時張柔戰勝攻取威
震河朔以勳封郡王而謚忠武趙柔明號嚴東說降群
盜以勳封郡公而謚莊靜何伯祥拔洛陽復參南伐多
所獻納封易國公矣其子何瑋陳當世要務柎廟攝政
之事正色難之不謂之文正乎焦用守雄州復徇山東
未嘗妄殺封爲左丞矣其子德裕招降武仙餘黨至於
誅魁阮黨之議直言止之不謂之忠肅乎賈輔從定山

東賈文備攻定武磯以父子而如此可謂世繼其美也
張弘範從定江南張弘略宣尉淮東以兄弟而若此可
謂世襲其芳也敬鉉博通經史所著有春秋備忘學者
稱爲太寧先生焉劉因留心理學所著有四書精要學
者稱爲靜脩先生焉敬儼本鉉之孫用郭礪之薦而屢
官平章有聲張珪本弘範之子受鄧光薦之學而累官
中書有聲鞏彥暉與兄彥榮俱擅武勇之名若夫次武
昌甘盡赴水之節彥暉也王恂與其父良能明性理之
學若夫每侍讀發明綱常之道恂也荀正甫從郝經而
作詩名家有晉唐風致韓若愚輔仁宗而畫策中機有
貞肅褒贈解誠攻安豐有功子汝楫定江南有功一謚
武定一謚忠毅皆能稱其情郝天挺以綱直著名子祐
以廉直著名一爲左丞一爲侍御皆能脩其職鄂國公
史弼攻宋之日先登南岸薊國公王壽居臺之日論事
剴切郭貫精於篆隸而爲學士泰定之召有固辭不起
之節則其操守可知矣王結深於理學而著易說李珪
之褒有非書不讀之語則其器識可知矣尚文采定朝
儀累遷中臺不愧劉秉忠之推轂王昔刺從征釣魚累
官樞密且有子宏寧之述事董珪以穎悟能通古碑辛
酉第之登非有學能之乎丁好禮以律算能通漕法齊
化門之死非有守能之乎逮至我

朝何禮李彥名王驥皆爲尚書而爲僚寮所推服也若
夫兼資文武遇事敢爲則若驥之勦滅西陲討平麓川
而有靖侯之封此其功烈又冠天下矣薛郁王哲王敏

皆爲布政而爲縉紳所推重也若夫庶正嚴明人不干私則若哲之初擢侍御繼巡山東而堪楊溥之薦此其聲望又著廟堂矣顧仲禮盡母之養而飛蝗爲之遠去邊靖居父之喪而水泉爲之湧出刑部尚書李友直垣夷閻敏著長者之稱吏部尚書郭璉簡重寬洪得大臣之體李得成以孝母之行而掌藩政若夫以脩書而官翰林者武周文也楊澤以靖難之功而擢都閫若夫以太學生而官按察者王玘也天順以後人才相繼不絕吾未暇悉舉之也

河間府人物

瀕滄海麓太行此是郡之東西也枕滹沱背高河此是郡之南北也以其沿革考之夏屬魏晉州星分箕尾春秋爲晉東陽之地戰國爲燕齊趙之境嬴秦屬鉅鹿上谷之郡而置河間國者漢也迹其地勢廣闊水陸要衝蓋嘗登白馬之峯遊盧師之谷涉陽通之河覽洋東之淀觀華陽之亭上虞丘之臺而知是郡之傑矣生茲地者以農桑爲先務以詩書爲要領人才綦布照耀史策豈非爲法於天下可傳於後世哉請具陳之周以前不可考矣漢之時若董仲舒治春秋天人三策闡國家治亂之源義利兩言發聖賢傳授之旨比之諸儒可謂粹而不雜者矣雋不疑治春秋斷成方遂之獄善於應機辭霍子孟之婚方於事上較之郡吏可謂嚴而不殘者矣劉輔上腐木之䟽蓋憤飛燕之亂也比其下獄辛慶忌救之何也非救輔也救直士也鮑宣上地震之奏蓋惡

董賢之橫也比其下獄太學生救之非救宣也救忠臣也
張歆舉孝廉而和帝遷爲尚書多所建明劉淑明舉賢
良而桓帝拜爲議郎多所裨益張超從朱雋討平黃巾
且有賦頌之文巴肅從陳蕃謀誅宦官其受黨錮之禍
三國之時張郃從攻鄴郡而有戰死之節邢顥屢辭徵
辟而有德行之名晉之時石苞曠雅有智觀限田之議
酌古今之宜刁協諳練有爲觀勅敵讞明君臣之分南
北朝之時邢祐守平原賜爵成平男矣而二子二孫皆
爲顯官至於從孫曰巒著博覽之名曰晏著舉孤之節
馬高允通經史賜爵咸陽公矣而布被緼袍甚有清素
至於從弟曰祐論止盜之方曰昂成芒陰之節馬官至
封侯者封回其責鄭雲可謂吐莊正之辭矣若夫封

作四戒而與脩辟雍之議封隆之事五帝而削奏書之
藁皆回之子弟也官至封王者高岳其寓洛陽可謂協
神武之占矣若夫高勣爵清河而仁孝爲之夙著刺兆州
而豪猾爲之屏迹此則岳之子也刁靡本協之孫徙鎮
濟陰而有討裕之勲楊慶本剛之子頗涉書記而有哀
毀之孝李叔彪有識度假節行華州事吏民爲之稱戴
馬敬德好儒術至都行助教事國子爲之造就吳遵世
有筮必應而著易林雜占百餘卷張羨以儒自通而著
老莊道言五十餘篇信都芳集古今樂事爲樂書集刻
漏爲器準真古今之有巧思者也黎景熙從崔賓受字
義從崔浩受楷篆直當時之有學行者也隋之時劉炫
校脩律令而著教授之聲公孫景茂博涉書史而立書

庫之號高頴有器局引進忠良論者以爲真宰相張昺
有識度昭播時譽論者以爲良二千石王伽縱囚七十
人著威信矣劉善經著傳三十卷善辭章矣尹式捐軀
於漢王之難豈愧記室之官盧太翼苦口於避暑之諫
豈忝神童之號唐之時李綱輔建成而長匡益故高祖
稱之曰知公直士高季輔仕貞觀而善彈劾故太宗賜
之曰以藥石相報高儉督益州教勵風俗高勣有子矣
張士衡辯佛法勸以仁孝劉思軌有徒矣劉君良同居
四世而有義成堡之號袁恕已力誅二張而有南陽王
之封袁高論盧杞矯誣之罪而德宗之召由是止也邢
君牙蒙李晟委托之專而奉天之功亦有與也高適負
氣敢言權倖側目其舉有道科官何忝哉王峻築城罷

戍屯田轉輸其爲桂州都督何愧哉賈耽刺汾州有異
政其垂老也觀書益勤焉高瑀治陳蔡有善狀其爲帥
也天下無儕焉封敖屬詞瞻敏而作詔慰邊將其言曰
傷居汝體痛在朕躬可謂達下情矣張濬憤賊旁午而
以義責諸將其言曰賊平將安往盍共誅大盜可謂植
大綱矣至於官中丞有巖巖不阿之采薦少逸有凜凜
不私之忠則有高元裕也五代有馮道甚於大節之垂
而或有多智之譽矣宋之時張昭論獻俘之禮何該洽
也李璘盡復仇之義何肫篤也皇甫繼明爲都部署號
令嚴明肅肅不可犯楊信爲都指揮紀律端整秩秩不
可紊賈黃中有封庫之潔索湘有決獄之明上茂農省
刑之疏非張知白乎陳常平免役之害非劉摯乎李之

純論官米損直之說體民瘼者也張慤設募民巡社之法悉邊情者也王昭遠盧懷忠咸立戰功於紛爭之秋張凝周瑩皆脩宦業於頽靡之日邢昺講比師二卦蓋欲因事而納忠權邦彥上中興十議蓋欲撥亂而反正田京喜議論而通雜家之術李之儀善尺牘而來刀筆之譽龔夬清介自立而寶訓增損之諫尤足以誅姦雄於既死劉甲實地自履而奏議十卷之傳尤足以表忠義於將來以金言之師安石陳龜鑑錄許安仁作無隱論劉守真著原病式至於許古陳尙皆上疏剴切也以元言之鄭義攻徐州張榮征西域李京鎮群蠻至於劉正陳顥魏禮皆居官顯拔也逮至我朝李遜之學行吳盛之才識見推於士林蘇贊之才能李王之勤勞獲重於宦途李祥李翔左傑皆為左布政有名者也王愚陸矩皆為風憲有名者也天順以後人才彙進吾未暇悉舉之也

新編博物策會卷之一終

新編博物策會卷之二
北直隸下

真定府人物

屏石戴璟著

真定之地本周鮮虞之境也真定之名本漢恒山之號也蓋臨滹水接瀛海當燕趙之郊雄於河朔誠壯哉一都會也雖其土廣俗雜然習爲文則彬彬其質習爲武則赳赳其雄故夫騰實用於朝廷著芳聲於草野者先後輝煌燁然相照豈不極古今之盛哉請具陳之周有卻缺者曰季稱之曰敬德之聚可以治民而用之爲下軍大夫焉有卻穀者趙衰稱之曰說禮樂敦詩書必知御兵而用之將中軍焉荀况著書羽翼聖經論者比之

揚雄樂毅伐齊恢復燕地論者儕之管仲廉頗伐齊抗秦而屹然之智形於負荊之時藺相如完璧歸趙而浩然之剛見於擊缶之日趙奢破秦而號馬服君馬趙勝破秦而號平原君馬李牧為將於趙而匈奴為之遠遁李左車獻策於漢而韓信為之戰捷然漢之人物不止此耳田叔則薦孟舒也馮唐則薦魏尚也竇嬰論梁王傳位之失君子大居正也吾丘壽王論汾陰得鼎之異智者無不知也耿純入界而盜賊為之自服邳彤守郡而父弟為之不顧崔駰著詩賦二十篇而著政論者其孫寔也崔琦作外戚箴以諷冀而歷三卿者劉祐也三國之時顏良仕袁紹而以驍勇稱此即為關羽所刺者也趙雲仕昭烈而以智勇顯此即所謂一身都是膽者

也晉之時張載與弟協齊名觀其著劍閣之銘可以見其才之雄也劉琨與祖逖為友觀騏枕戈之志可以見其心之忠也馮統識悟機辯深得武帝寵其身崔洪舉用甄明且有子廓繼其美南北朝之時甄法崇有還金之潔蘇瓊有置瓜之清蘇儵涉獵書傳而持以勤厲李孝伯明達時務而制以禮度李靈以才雋被徵陸夸以高尚辭激崔綽學行脩明而曰鑒曰康曰仲哲曰辯曰景雋曰挺曰孝芬曰孝偉皆以學行稱於人也崔振動止嚴飭而曰朗曰楷曰伯謙曰士謙曰昂曰暹曰叔瓚曰季良皆以政事光于前也有以孔明比之者則劉亮其人也有以曾子比之者則李士謙其人也賈彝訟父之冤石祖興護人之喪李順征蠕蠕有功而世祖南伐

以建功之日勉之者魏劔也李璨定淮北有功而鄉人以幼不受金名之者李幼廉也李惠刺雍州杜纂刺益州魏蘭根刺岐州張普惠刺豫州獨孤永業刺洛州皆可謂良刺史孟信守趙平李裔守博陵張彫武守平原李搔守河內崔孟舒守廣平皆可謂賢太守著明堂制度者李謐而著廢興會通緇素三論者甄琛也著文筆百篇者魏季景而撰喪服章句古今畧記者李公緒也李少通則撰戰國春秋音譜魏收則撰北齊詔冊魏史劉蘭講春秋之旨兼諸經之說儒者宗焉張吾貴從鄺銓受禮從牛天祐受易學者奇焉李繪神情雋朗邢晏稱之曰宅相之寄良在此甥崔延伯膽氣絕人史稱之曰延伯與康生大眼爲諸將冠魏大武問何物可以益

人李先曰惟有經書斯乃金玉之語也齊文宣問所以致災崔叔瓚曰五行志士功不時斯乃藥石之言也隋之時崔猷性鯁直且有子仲方議服色焉李德林性聰敏且與高頴脩律令焉李雄當官正直晉王甚敬之崔彭在閩謹慎文帝嘉納之杜臺卿爲書十二卷孫萬壽爲書十三卷魏澹有集三十卷皆能文之士也崔頤博覽群書劉焯就讀群書李德饒幼通群書皆好學之士也李諤變文體而大方大鈞大體之才氣皆賢嗣也崔弘度屏盜賊而李知本之盜賊不入境亦名流也唐之時李思行破霍邑張進平黑闥蘇定方滅三國李芑破田悅可謂有爲之將蘇安恒諫武后李嶠救狄仁傑李華劾楊國忠李翱斥李逢吉可謂敢言之士李素

立執法律得侍御之體李百藥論封建合古今之宜魏徵列三鑑之名觀其上二百餘奏孔穎達析五經之旨不愧孔氏三十二世孫蓋文達明春秋而弟文懿亦以儒學稱故當時有二蓋之號張薦論盧杞而祖鷲先以文章顯故當時有萬選之名郭正一明習故事而詔勅出其手李吉甫綜理政事而賢士出其門倪若水諫捕珍禽異獸魏知古諫造金僊玉真李乂典選法有李下無蹊徑之謠李栖筠獎人善有贊皇公之譽甄濟不受偽官雖見辟於公府而不起崔衍不受偽官及見使於吐蕃而不屈崔造等號四夔好言時事孔巢父等號六逸樂守清致次成敗十五種者李絳也其宣慰博魏之功尤懋獻丹表六箴者李德裕也其討平澤路之功尤

著劉禹錫稱爲詩豪李守素稱爲肉譜李異理財之善自劉晏後未有過之也崔祐甫用人之公非常衮輩所能並之也武后稱爲真宰相者杜景佺也憲宗稱爲宰相器者李藩也不意培塿松柏爲林非郎餘令乎文位可致年不可及非崔湜乎劉幽求料武三思之變其言如神啖助考春秋三家之旨其論如鑿鑿崔損純白無私崔珙威重可畏劉栖楚諫敬宗遊畋之失牛元翼寢王廷湊之奸魏謩以直而令狐綯讓之趙涓以直而韓滉嫉之趙冬曦請刑律法之式欲易簡而可曉李畬輒識斯童之名何聰警異而不凡田神功從破安史之兵陳楚從撫定州之亂五代之時杜審琦仕後唐而女弟后於宋王白明天文而百中歌行於時以宋言之高懷德征

澤路趙鼎平壽春董樞上書請伐吳曹彬為將平江南
鎮涇州者楊廷璋也破契丹者傅思讓也荆嗣征幽州
率先陷陣周仁美戍環州屢敗蕃族李昉和厚而太宗
有善人之稱賈逵著功而神宗有念親之譽高賦招流
民高化決疑獄孫冲郭諮皆定河決之策范廷召劉斌
皆盡復仇之義王化基謂治天下猶植本根李至謂養
威銳以示閒暇皆言之善也王黼諫與民競利韓億諫
寵愛後宮皆言之正也若李宗誦李宗諤皆昉之子涉
獵文史能自顯拔曹瑗曹瑋皆彬之子習知韜畧能自
奮勵賈琰為推官有吏幹王榮為部署有膂力葛霸善
擊刺元昊之叛以身死之而著射法數卷者劉昌祚也
楊粹中守城邑金人之寇以身死之而著初寮集者王

安中也曹利用成契丹之幣宋綬定鹵簿之儀而補唐
實錄者又綬之子敏求也賈昌朝上脩河之議李京上
日食之疏而上奏議二上卷者又田况也張存持漕節
錚然有聲此即司馬光之妻父也劉絢明春秋力學不
倦此即程顥之門弟也王德用號黑王相公而與富弼
並用李之儀號姑溪老農而代范純仁作表褚承亮不
對金酋之策何其中忠李濬不避上書之禍何其直仕于
金者則有楊伯雄著瑤山集楊伯仁奏十詠詳選法者
石琚喜名節者周昂賈益謙衛紹王也路伯達助邊費
也焦旭劾出獵劉希顏保鄉閭著滹南遺藁者王若虛
也著東垣十書者李杲也以元言之王義安深冀之人
王守道復將師之仇王善趙迪皆為元帥不犯秋毫王

枕李元禮皆為御史不避權貴賈居貞王思廉皆能陳說通鑑而感悟君心者也邱順董俊皆早從世祖而屢著戰功者也鄭溫從征李壇王慶端從征乃顏董文炳從征江南而孔元楊瓊皆有干城之才也李治著敬齋集王約著潛丘藁蘇天爵著名臣事畧而瞻思高鳴皆有淵源之學也安熙得朱子之書而為之教授陳思謙得邵子之書而為之考訂張文瑞首葺廟學董文忠接納賢士賈惟貞總管永平鄭鈺總管廬州皆有治績陳祐死節淅東趙弘毅死節翰林皆有令名朱顯之焚券而有弟耀同居之和楊湜之定稅而有二楊齊名之號號為真鐵漢者張桓據榻論賊身陷烈禍號為林屋洞主者蘇大年文辭翰墨絕出時輩以我

朝言之趙耀為徐達幕下守備適宜許顒以李思齊薦引召對稱旨李琦以為使不辱而歸安南之侵地侯保以為政有聲而保黃江之城堡馬雲輝以儒士而官於藩王王以太學生而官於臬賈麟歷官有志節蔡彬歷官有仁惠岳福練達政務趙向數著政績曹魯為狀元而學贍行端內剛外和馬黃懋為知府而于惠困窮力除宿弊馬天順以後人才視前有光吾未暇悉舉也

順德府人物

仙翁山石井岡是郡之所尊也解王沙玄精石是郡之所產也蘇秦亭沙立臺其所築者也銅馬祠郭巨廟其所祭者也蓋順德之名創于元迹其依山憑險當四方之衝在周為邢為晉為趙後為石勤之所據者也生是

地者質厚少文氣勇尚義而人才亦有可言者矣請具
陳之漢之時路溫舒論亡秦之失侯芭得太玄之旨張
禹刺揚州理察枉訟張璠遁恒山辯論變異孟敏之墮
甌識之明也時苗之留犢政之循也晉之時張賓自負
子房筭無遺策魏之時游明根從學長安學有成立游
雅之廉白陳元康之機敏乃魏齊之人也耿豪之武勇
游元之公正乃周隋之人也唐之時李嗣真與徐昭劉
獻臣齊名而有少之號其存趙孤之勸何忠也宋璟與
姚崇齊名而有姚宋之號其拒楊思勗之事何剛也李
元愷善天步而宋璟師之李景伯請罷都督而中宗從
之李懷遠不肯襲宗人之蔭其志何高潘好禮苦諫邠
王之獵其心何直至於魏少游在官無顯名而任人有

足稱矣五代之時孟方立仕梁而節制五州孟知祥仕
唐而并有東川李周留任晉室果應久之占柴守禮姻
婭周主且致子之貴至於東帛之遺而盜賊悉遁王仁
鎬也宋之時范質廉慎守法而太祖有真宰相之稱張
思鈞質小精悍而太宗有樓羅之稱魏廷式歷知數州
而嚴明可用劉知信歷知河南而循謹不苟范旻從征
晉陽爲質之子而無愧劉承宗兼習書數爲知信之子
而有光李珣負土成墳而事親之禮無憾范杲刻志讀
書而稽古之學有成陳薦廉進勇返韓琦稱之不爲誇
成閔從軍建功韓世忠推之不爲過金有王德元避兵
于許而許人爲之化德元有劉秉忠精心於數而世祖
爲之委政然元之人物不止此耳劉秉忠好讀書而總

等彰德足以整一郡郭榮善教子而精研水利足以成一家張文謙論不關白省府之弊不負劉秉忠之薦矣林起宗著志學指南心學淵源之圖不虛劉靜脩之教矣郭守敬測驗推筭極古今之精董朴融會貫通窺經史之奧逮至我

朝左獻為部屬而勤於職業井源為駙馬而沒於王事若夫居教職以淑生徒入秘閣以典機密非張瑛乎此皆天順以前人物而其後未暇論也

廣平府人物

廣平之地屬於冀廣平之名創于漢蓋其地本春秋之晉戰國之趙秦之邯鄲周之洺州隋之武安宋之河北也迹其北通燕涿南接鄭衛萬山盤礴泉流環匯其地

傑則其人亦傑說者謂質直尚儉風俗循良以今考昔豈不信然乎請其陳之戰國之時有李同馬夫人以下編於士卒之策卒以成功後雖死而其父侯矣東都之時有李雲馬單超用事上書劾奏之舉甚為切直後雖死而其名震矣以三國言之朱靈從曹操征伐突然轉鬪足以破荆棘劉劭作趙都賦鏗然清麗足以諧宮商晉有程衛執法而不撓魏有房叔安忠正而不率馮道根仕梁傅豎眼仕魏皆立汗馬之勞有功於國家也上馬能繫賊下馬作露布此乃傳求之事有名於史冊也至於房亮之清嚴程駿之孝友隋有馬光明三禮而高祖辛學升坐自講此其學可知也唐有程名振號名將而為山陰以少殺手衆此其才可知也然唐之人物不止

此其程終槌之勇力突厥長之王及善之剛正中宗賴
之宋慶禮則屯田有法馮仁海則居喪有禮郭守素與
馮仁海齊名而其事載之唐史崔圓之在鎮六年請朝
而其民爲之乞留五代之時崔居儉自著家禮張歸霸
自負驍勇霍存善騎射王清立戰功宋之時張美有饋
運之勲解暉有死戰之績元達以武人而接士大夫以
禮趙瑄以衛士而戰徐河以勇孟元從討具州之賊丁
德裕從平成都之賊王明之廉正李炳之供億非知州
之善乎李沆之謹厚李維之文章非宰相之良乎丁逢
吉善於教子而有子度爲名臣李若水忠於事君而以
身遇酷禍孟忠厚不忝貴戚之高風李椿不忝父升之
家教以仕于金者言之若董師中之敏膽劉政之孝愛
而李慶嗣則著傷寒纂要及傷寒論可以爲儒醫並以
生于元者言之若劉恩之勇畧石高山之嚴肅而劉肅
則集諸家易說讀易備忘可以爲名士也至於竇默講
明道學而三綱五常之對何等忠正元明善尤邃春秋
而二帝三王之奏何等詳盡秦起宗劾中丞而有鞫
子之顯劉賡爲國史而有當時大制作之撰纂古今農
桑錄者吳鼎也著學易記觀物外篇者何榮祖也工磐
好學出衆而朝政多所維持吳元珪簡重出人而時政
多所論建至於李齊舉元統進士第一而高郵之政燁
燁有光逮張士誠來紿而鐵膝之拒凜凜不屈我
朝則若張璉明經有志郝珩清慎有爲比夫順以前人
物而甘後未暇論也

大名府人物

屹屹魏上山河之固劉放魏京之詩也直矗如巨防扼為要津江休復縣壁之記也蓋大名之郡域界冀兗星聯室壁乃商之所都而武庚之所封者也厥後或謂之天雄軍或謂之貴鄉郡而大名創於五代之漢也說者謂風俗尚氣槩崇禮讓以今考之英才碩彥先後相望豈不亘古今而皆然乎請具陳之上古之時有倉頡始制文字以代結繩而四目神聖之異有驗矣西漢之時有汲黯初諫武帝以喻積薪而近社稷臣之誇不偶矣若夫馮揚有子八人皆為二千石非立教之善不能成也成公簡自祖三世皆為二千石非積德之厚不能致也蓋寬饒之諫孝宣所謂王臣蹇蹇匪躬之故也京房之

論石顯所謂匪手攜之言示之事也楊震之死不厭眾心此虞放為理其寃也李膺之死有孤民望此吳祐為辯其誣也虞延力衛王莽亂兵之災杜鄴劾論后父加封之失劉昆有反風之祥樂巴有嘔酒之異索盧放數獻忠謹而弟子之搯衣也眾馮勤屢著精忠而老母之上殿也榮若夫受丁鴻之學申任嘉之枉非揚綸乎晉之時成公綏寡欲而致集廬之烏桑虞開道而化盜瓜之人至於著五經通論補詩文數十篇束皙也南北朝之時李崇平氏人之亂而號曰臥虎李諧歷中書之政而號曰善用三短請效一郡吏民懷之魏之李平也家貧傭賃以養其母隋之華秋也唐之時張公謹屯代州而邊食之有餘傳仁均精曆法而天象之有驗敢言者

莫如本于義琰熟禮者莫如王恭谷那律覽經史而有九
經庫之號焉薛願通災祥而有紫府之號焉馬嘉運指
撫五經正義之疵非吹毛也所以明道也郭震舉假五
世不葬之錢非沾名也所以濟時也盧懷慎清謹坐鎮
雅俗解琬謀畧足任方隅姜師度擢明經而作溝薊門
之策何其當也南霽雲使賀蘭而抽矢射佛之志何其
剛也崔良佐治詩書而文名播於士林張萬福救陽城
而直聲震於宦途王栖曜以謹厚為節度沈佺期以文
學舉進士著論蒙書十四篇者馮伉也更戰陣六十二
次者栢良器也韓弘沉謀善斷羅弘信雄偉善射贖故
友仲翔者吳保安也號逍遙先生者鄭遨也五代之時
劉贇以法治權豪王周以寬歷四鎮至於馮暉以恩信

懷部族以屯田廣蓄積也宋之時崔彥進以純質馬李
繼勳以謹直馬曹翰從平江南司超從討李重進馬今
宗刺懷州有功柳開官諸州有績潘美平澤潞而謚武
惠至於姻連戚里以禮自飭又其蹤惟吉也討平江蠻
上書論事又其蹤夙也宋白典貢舉而號得人若夫著
奏報錄者王德延之治郡也著淇水集者李清臣之為
執政也陳興起行伍有武畧李符起主簿有吏幹師頌
曠達夷雅與兄頌齊名而文集十卷可考焉田仁朗沉
重勇智與父武繼美而知泰定州可稱焉陳琰之居喪
盡哀鄧中和之居喪盡禮臧丙剛果而多建明馮繼業
敏惠而多遺愛趙延進知鄧州蝗不入境郭永守河東
盜不奪節精力過人者李防政事留心者柴禹錫王巖

叟進諫無隱而為文語省理該劉越孤貧有學而為疏
辭莊義直治河決者馮守信也折夏使者劉航也李載
乃呂夷簡所薦而侍母病之孝本於天性張田乃歐陽
脩所薦而繪古清刺史之像根於本心劉筠居文翰之
選不愧楊億之列也劉安世擅剛直之名不負司馬光
之教也若夫仕于金者有蘇椿閻忠皆守死不辱而張
特立落易集說歷年係事記亦可謂有學矣生於元者
有郭嘉伯顏劉天孚王琮皆守節不屈而蓋苗恂恂謙
謹遇事敢言亦庶乎有德矣著效古集六詔通說者張
立道也著經訓要義大寶龜鑑者李好文也著格物類
編者非潘迪乎進講孝經書易者非王鶚乎李茂滅千
徐家既燒之火孝也元善埋一十五未葬之喪仁也靳

德進

精曆之學王賢脩端介之行李從善征西夏而邊

境為之輯寧高昉撫遐荒而黃岑為之効順逮至我
朝何顯周講治道而有繪像之榮宋訥撰廟碑而有學
規之立崔克昇之築墳而賜詔旌之蔣庭贊之上疏而
夷人安之傅鐸張忠麟亞卿有名者也李謙紀著皆為
僉都有名者也陳嘉典山西大藩而練達不苟王斌典
廣東大藩而幹旋有為天順以後濟濟人才未暇論也

永平府人物

永平之郡震為營州而為山戎肥子之二國者周也商
為孤竹而為遼西右北平二郡者秦也蓋永平之名改
於國初其地連接青幽山如龍形坐冀域而謁三塚登
五花觀兔耳馬鞭之勝覽四絕七安之雄而古今人才

有可言者矣請具陳之周有伯夷叔齊馬一以父命為尊一以天倫為重皆自古之賢人也漢有公孫瓚田疇馬一為劉道之婿一為曹操之佐皆當時之偉人也三國之時程普隨孫策拔廬江韓富從周瑜戰赤壁以南北朝言之段永有討賊魁之功不愧匹磾之後屈遵有拓邊地之功不愧信都之封韓秀聰敏才辯而刺青州盧魯元寬和雅度而公襄城矣竇瑗孝友讓伯爵於其兄且官雖通顯而貧窘如初其清操如此也韓麒麟恭慎置律令於坐傍且死惟俸絹而清貧如故其高節如此也盧醜以博學侍帷幄厥後當師傅之尊而不失其體韓顯宗以對策擢著作厥後與朝儀之定而不忝乎父以隋言之豆盧通弘厚有器局及其總管夏洪也

所在寬惠而卒謚安馬豆盧勣聰悟有才識及其刺涇州也所在歌謠而卒謚襄馬至於豆盧毓始因漢王之謀逆而為之苦諫何諤諤也後語朱濤以出兵而為之被害何蹇蹇也唐之時李惠登刺隨州興利去害田野開戶口增李光弼將河東先謀後戰兵令肅軍容整田弘正為魏博節度忠孝畏慎而韓愈為之撰碑周寶為涇原節度力耕聚糧而武宗為之任相宋之時郭瓊初仕契丹後歸漢然在宋為將軍尊儒下士有樂善之誠姚內斌初仕契丹後歸周然在宋則守邊武猛有大蟲之號陳思讓為關南都部署而卒贈侍中馬陳若拙為殿中侍御史而出知澶州馬遼有趙思溫有力戰之功全有王元粹有能詩之譽且金之人才如劉敏行借軍

護民而一方賴其利趙質隱居教人而章宗奇其口
宣徽者趙興祥也不愧任子矣官尚書者趙思文也克
由禮度矣元之時姚樞陳帝王大法而內脩外攘之政
爲之畢張姚燧從許衡受業而國統離合之編由其彙
次李彥忠之廬墓八年不至家何孝之淳乎周宏之守
城七日不飲食何忠之懋乎陳顯之薦賢豈亦文忠之
謚龐遵之養母卒致躍魚之祥至於我
朝習成以才能擢之僉外憲焉溫原以勤能擢之僉內
憲焉史怡有守城之功祖述有作邑之政至於李樂以
太學之胄拜侍御之職其亦可尚也已天順以後人才
亦不絕吾未暇悉數也

隆慶州

保安州

萬全都指揮使司人物

三郡本冀州之疆域而實北邊之險要以其名考之隆
慶之名創于今晉曰廣寧唐曰媯州保安之名置於元
遼曰武定金曰德興至於萬全本秦之上谷郡至我
朝盡徙其民於關內而府縣廢矣人生其間或近淳朴
或尚武藝或喜功名雖風俗不一而英雄豪傑登名載
籍者不一而足也豈可誣天下之無人乎請具陳之人
物生於隆慶者晉有公孫鳳就慕容暉之辟不言不拜
而賓客鮮得與談焉齊有王洪軌刺青葦之地以清以
廉而軍士卒爲墮淚焉金之時畢資倫當高琪之道成
轉聞之功何勇也及四州之屯盡赴水之義何忠也以
保安州人物言之南北朝之時張袞率心事上而善誘
人物無倦焉張恂立性清儉而歷守二郡有聲焉

群籍侯天讓也與李彪齊名宜矣諫止屠城張仁一也
爲魏太后寵任宜矣張萇年篤於兄弟之教故能使汝
南之風化以敦邵洪哲深於故舊之情故能使朝廷之
旌表以降金之時沈璋南伐無所貪冒而百姓爲之立
祠梁肅典選多所建明而世宗爲之深美爲元帥以忠
節而不惜一死靖安民也爲萬戶以才略而不憚百戰
劉雄也元之時石高山性勇智不以佚老辭位焉米安
性淳素能以義方教子焉提舉江西王彰也總管上都
郭欽也以萬全人物言之寇讚仕于北魏循良可愛而
流民爲之襁負趙逢仕于宋剛直詆訐而縉紳目爲鐵
槩元之時石抹明安有料敵之智劉敏有宿衛之誠譚
資榮敦厚寡言而攻汴梁之功有報於君矣耶律伯堅
尚氣豪俠而詣府爭賦之心有惠於民矣譚澄少習國
語而爲陝西四川按察豈忝資榮之子乎武恪從鎮雲
南而隱居著水雲集豈就文宗之召乎至於我
朝吳成以功封清平伯追封爲公而謚壯勇蔣信以功
封忠勇伯追封爲侯而謚僖順天順以後文教覃被禮
樂可興人才宜益昌熾矣

陽合音字

